

Ukiumoortumik nalunaarut Meeqqat Inuuusuttullu pillugit Siunnersuisarfik (Misi) – 2019

Misimit suliamik ingerlatsinermi tunngaviit:

- *"Meeqqaq suli atualiningitsunut perorsaanikkut inerikkiartuutaasumik ulluunerani neqeroorutit pillugit lnatsisartut inatsisaattut siunnersuut nr. 16, 3. december 2012-imeersoq", tassani § 5, imm. 3 nr. 4-mi allassimavoq: Kommunalbestylsip pisussaaffigaa qularnaassallugu kommunimi: perorsaanikkut-tarnip pissusiisigut siunnersuineq isumagissallugu".*
- *"Atuarfik pillugu lnatsisartut inatsisissaattut siunnersuut nr. 15, 3. december 2012-imeersoq", § 38 nr. 4-mi allassimammat: "Kommunalbestyrelse pisussaavoq isumagissallugu perorsaanermut aamma tarnip pissusaanut tunngasunik siunnersuissalluni".*

Taakkua saniatigut § 15-im "Immikkut atuartitsineq aamma allatut immikkut perorsaanikkut ilinniartitsinikkullu ikorsiisarneq". Tassunga suliarineqarsimavoq: "Meeqqat atuarfianni immikkut atuartitsisarneq aamma allamik immikkut ittumik perorsaanikkut ikorsiisarneq pillugu Namminersorlutik Oqartussat nalunaarutaat nr. 21, 8. december 2017-imeersoq". Tassani "Siunnersarfik"-mut innersuussineq ingerlasarpoq, taannaavorlu tunngaviusumik perorsaanermut aamma tarnip pissusaanut siunnersuinermik ingerlatsisoq.

- PPR pillugu isumaqtigiissut KANUKOKA-mit Kalaallit Nunaanni Kommunalbestyrelsit sinnerlugit isumaqtigiissutigineqartumi pineqarpoq Perorsaanermut aamma Tarnip pissusaanut Siunnersuinermik suliarinnittussanut agguassineq, taamatullu immikkut atuartitsineq aamma allatut immikkut perorsaanikkut meeqqat atuarfiannut ikorsiinerup kommuninut nuunneqarnera (Namminersorlutik Oqartussanit) ulloq 1. januaari 2012 aallarnerfigalugu.

Misi-Sermersooq sunaava?

Misi tassaavoq "Meeqqat Inuuusuttullu pillugit Siunnersuisarfik" Nuummi inissisimasoq, taamaattorli Kommuneqarfik Sermersooq tamakkerlugu sullissinermik ingerlatsisoq. Misip suliaata pingaarnersaraa perorsaanermik aamma tarnip pissusiinut siunnersuinermik ingerlatsissalluni, siunnersuineq suliassamut ilinniagalittut aaqqissuussaasumik tunniunneqartarluni. Misip suliassaasa pingaernerpaartaraa inersimasut meeqqanut akisussaasut ilisimasassaannik naammattumik aamma sakkusanik pigisaqarnissaannut ilanngussissalluni, meeqqat ilikkarsinnaassusiat, atugarissaarnerat aamma ineriertornerat qulakkeerneqarsinnaaqqullugit. Taamaattumik angajoqqaatut/isumassuisutut imaluunniit sulisutut

Misimut saaffiginnittooqarsinnaavoq, perorsaanikkut aamma tarnip pissusiisigut ilisimasassanik, imaluunniit siunnersorneqarnermik pisariaqartitsinikkut.

Sulisoqarnermi pissutsit

2019-ip naanerani Misimi sulisut tassaapput: Siunnersuinermi pisortaq, tarnip pissusiinik ilisimasallit tallimat, meeqlanut- aamma inuuasuttunut siunnersortit sisamat kiisalu oqallorissaanermi-tusaaniarnermi perorsaasoq ataaseq.

2019-imi ukiup affaani Misimi oqallorissaanermi-tusaaniarnermi perorsaanermik atorfik inuttaqanngilaq, atorfik inuttalerneqarsinnaanngimmat.

Matuma ataani Misimi suliassat allaaserineqarput.

Ukiuni qaangiuttuni aqutsisut taamatullu sulisut akornanni taarseraanneqangaatsiarpoq, taamaattumik Misimit piffissarujussuaq, nukippasuit aamma aningaasarpassuit atorneqarput, sulisunik nutaanik sulisinnaannorgorsaanermut/ilinniartitsinermut. Piffissami matumani suleqatigiit aalajaatsuupput nukissaqarluartut, taamaattumik pingaaruteqarpoq Misimit siunissaq eqqarsaatigalugu sulisut ineriartornissaannut periafissanik pitsasunik neqerooruteqarsinnaaneq ukkatarissallugu, sulisut sulisoriinnarniarneranni siunnerfiup ilaattut.

Misi-Sermersuumut saaffiginnissutit

Misimut saaffiginnissutit amerlanerpaat e-maili aqqutigalugu pisarput, tassani perorsaanermik suliallit, ilinniartitsisut imaluunniit angajoqqaat immersugassamik immersueriarlutik Misimut nassisissarlutik. Tamanna isumaqarpoq, Misi Heldagsskolemit, illoqarfinti atuarfinit 9-nit aamma nunaqarfinti atuarfinit 8-nit, taakkunani katillugit 3200 missaannik atuartulinnit saaffigineqartarpoq. Taakkua saniatigut Kommuneqarfik Sermersumi meeqqat 1300 missaanniippuit, taakkua meeraaqgerivinni 7-ni, meeqqerivinni 6-ni, ukioqatigiinngitsut ulluunerani paaqqinnittarfiini 15-ini, paaqqinnittarfinni namminersortuni 3-ni, angerlarsimaffimm paarsisartuni 6-ni aamma pinnguartarfinni 4 atuisutut nalunaarsorsimasuupput. Atuareernerup kingorna/sunngiffimmi ornittakkat aamma klubbit (AKO) 9-t nunaqarfinnilu klubbit 8-t saaffiginnissutaat Misimit tiguneqarsinnaapput.

Taamatuttaaq meeqqat angerlarsimaffiini aamma atuartut angerlarsimaffiini perorsaanermik suliallit kiisalu Kommuneqarfik Sermersumi angajoqqaat tamarmik Misimut saaffiginnissinnaapput. Angajoqqaat Misimut saaffiginnissaminnut marlunnik periafissaqarput tassaasunik: Oqarasuaatikkut saaffiginninneq imaluunniit Misimut namminneq ornigunnikkut. Misimut ornigunniikkut saaffiginnittooq saaffiginninnermi immersugassamik ikiorneqarsinnaavoq. Sisamanngornerit tamaasa nalunaqqut 13.00 – 15.00 akornanni Misi angajoqqaanut ammasumik siunnersuinermk ingerlatsisarpoq, piffissami tassani angajoqqaat isumaqatigiissuteqaqqaratik takkussinnaapput sianerlutilluunniit.

Eqikkarlugu isumaqarpoq, meeqqanut 0-18-inut ukiulinnut angajoqqaat imaluunniit perorsaanermik suliallit tamarmik, perorsaanikkut-tarnip pissusiisigut siunnersorneqarsinnaapput, suliassaqarfinit allanit innersuunneqanngikkaluarlutik.

Misi-Sermersuumi siunnersuinerit

Misip suliamik ingerlatseriaasianik allanngortitsineq:

Misi 2015-ip missaani suleriaatsiminiik allanngortitsivoq.

Meeqqamik "ajornartorsiutitut" isiginnittaaseqarnermit – *taamaaliornikkut akuttunngitsumik meeqqap ilisarinissinnaassusiata misissorneqarneranik ingerlaannaq aallartitsisoqartarpoq* – eqqarsartaaseq Misimit ima allanngortinneqarpoq; *Ajornartorsiuteqarnermik misigisaqartoq tassaavoq taanna ajornartorsiuteqartoq*. Ima paasineqassaaq, inersimasut meeqqap najortigisai unammilligassamik misigisaqartut tassaapput taakku amerlasoorpassuartigut ulluinnarni perorsaariaatsiminnik allanngortitsisinnaasut, aamma taamaaliornermikkut unammilligassatut misigisamik allanngortitsiniarlutik meeqqamut ikuunnermik ingerlatsisinnaasut.

Siornatigut atuarfimmit imaluunniit paaqqinnittarfimmit saaffiginnilluni immersugassaq immersoqqaarneqartarpoq, saaffiginnilluni immersugassap taassuma Peqqinnissaqarfik aqqusaaqqaartarpaa peqqissutsimut paassisutaasinnaasunik piumasaqaatitaqarnera pissutigalugu. Peqqissutsimut paassisutissat ilanngunneqareeraangata aatsaat innersuussut Misimut nassiunneqartarpoq. Tamanna isumaqarpoq, innersuussummik suliaqarnerup kingorna ukioq ilivitsoq qaangiukkaangat immersugassaaq Misimit tiguneqartoq. Angajoqqaanit saaffiginnissutit tamarmik meeqqap atuarfia imaluunniit paaqqinnittarfia aqqusaaqqaarlugit pisarput, tamanna isumaqarpoq, ullumikkutut angajoqqaat namminneq Misimut siunnersorneqarnissaq/ misissuisoqarnissaa pillugu saaffiginnissuteqarsinnaasanannginnerat.

2015 sioqqullugu Misimut innersuussutit tassaapput immersugassat qulinik quppernillit. Saaffiginninnermi meeqqat unammilligassat misigisai allaaserineqartarput, taakkunani aaqqissuussat meeqqap avatangiiserisai eqqarsaatigineqarneq ajorlutik. Meeqqap najortigisai inersimasut qanoq iliolutik perorsaanikkut suliniutiminnik ulluinnarni allanngortitsisinnaanerat eqqumaffigineqarneq ajorpoq, meeqqat ilisarinissinnaassusiannut misilitsinnermik ingerlatsineq sioqqullugu, taamatuttaarlu meeqqap nukittuffiisa isiginiarneqarnerat amigaataasarluni. Misimi suleriaatsit allanngortinneqarnikuupput, taamaattumik Misimit ullumikkut annermik pingaartinneqarpoq meeraq peqatigalugu perorsaariaatsit atorneqartut isiginiarneqarnissaat, meeqqani ataasiakkaani ajornartorsiutitut atuuttutut misigisat misissorneqarsinnaanerannik aallartitsinissaq sioqqullugit.

Misi saaffiginnissummik tigusaqaraangami saaffiginnissuteqartoq siunnersorneqarnissamut/oqaloqatigiinnermut aggersarneqartarpoq, ajornartorsiutitut imaluunniit unammillernartutut misigineqartoq erseqqinnerusumik misissorneqartarluni. Misimit anguniarneqarpoq saaffiginnissutit tunngavigalugit ataatsimiinnernut sapaatip-akunneri 1-4 iluanni aggersaassalluni.

Saaffiginnittut unammilligassatut misigisaasa ilarparujussui eqqarsaatigalugit siunnersuilluni ataatsimiinnerni Misimit akissutissaqartinneqartarput siunnersorneqarsinnaallutillu.

Ataatsimiinnerup kinguninngua perorsaanermi suliniutissatut innersuussutigineqartut saaffiginnittumit toqqaannartumik misilerarneqarsinnaapput.

Tamannarpiaq pissutigalugu Misimit siullermeerluni siunnersuinermik ingerlatsinerit annertuumik pingaartinneqarput, taamaaliornikkummi Misi perorsaanikkut-tarnip pissusiisigut siunnersuinermik sivisuumik utaqqisitseqqaarani ingerlatsisinnaagami.

Siunnersuilluni ataatsimiinnermi Misi naliliippat unammilligassatut misigisaq erseqqinnerusumik misissorneqartariaqartoq, Misi saaffiginnittullu akornanni Misissuineq pillugu lsumaqtigiissut suliarineqassaaq. Sullissinissamut isumaqtigiissut isumaqarpoq ajornartorsiutitut misigisaq pillugu Misi misissuinermik anginerusumik suliaqarnissamut neqerooruteqartoq.

Misip misissuinermi ilisarinissinnaanermut misiligutit (*Ilisarinissinnaanermut misiligutit - Kognitiv test*) atortarpai kisianni Misimut saaffiginninneq toqqaannartumik ilisarinissinnaanermut misissuinermik aallartitsineq ajorpoq. Ilisarinissinnaanermut misiligut sakkussaavoq meeqqap ilisarinissinnaanermut piginnaasaanik misissuinermi Misimit atorneqartartoq, ajornartorsiutitut misigisamik misissuinermi atorsinnaasutut isumaqarsimassappat.

Misissuinerup siunertaraa saaffiginnittup unammilligassaanut akissutissarsiniassalluni aamma siunnersuuteqassalluni ilitsersuissallunilu, saaffiginnissuteqartoq qanoq iliorluni siunissami meeqqamik perorsaanermik periutsinik atugaqarluni sullissisanersoq.

Paasissutissat kisitsisinngorlugit

2015 sioqqullugu:

Soorlu qulaani allaaserineqartoq Misi suleriaatsiminik 2015 allannguivoq. 2015 sioqqullugu innersuussutit amerlassusiat kisitsisinngorlugit paasissutissiissutigineqartarput, taakkua akuttunngitsumik ilisarinissinnaassutsimik misissuinertut assigisarpaat. Taamaattumik kisitsisit taakkua tassaapput Misip misissuinertut angisuutut ingerlatai:

2003: 27

2004: 34

2005: 38

2006: 57

2007: 77

2010: 100

2011: 165

2012: 135

2013: 95

2014 qeqqa tikillugu: 70

2015:

Ukioq taanna tassaavoq Misip suleriaatsiminik allanngortitsiffia. Aallaqqaammut siunnersuinernik ingerlatsinerit amerlassusiat kisitsisinngorlugit nalunaarsorneqarneq ajorput, kisianni siunnersuinermik ingerlatsinerit ima ikitsigipput, Misimi sulisumit ataatsimit siunnersuinertut suliassat tamarmik ingerlanneqarsinnaallutik, taassumalu saniatigut suliassanut allanut piffissaqarluni. Misimit ajoraluartumik piffissami 2015-2017-imut misissuinerit naammassisat amerlassusiisa paassisutissartaat kisitsisinngorlugit saqqummiunneqarsinnaanngillat, Misimit utaqqisunut allattorsimaffimmut programi avataaneersoq atorneqarmat, programi taanna maanna Misimit iserfigineqarsinnaanngilaq.

2016:

2016-imí Misi siunnersuinerit katillugit amerlassusiannut kisitsisaateqanngilaq, kisianni ilinniartitsisunut siunnersuinerit 106-it nalunaarsorsimavai.

2017:

Ilinniartitsisunik siunnersuilluni ataatsimeeqateqarnerit 151-it.

Perorsaanermik suliaqartunik siunnersuilluni ataatsimeeqateqarnerit 41-t.

Angajoqqaanik siunnersuilluni ataatsimeeqateqarnerit 140-t.

Misi-Sermersooq 2017-imí siunnersuinernik 332-nik ingerlatsivoq.

2018:

Ilinniartitsisunik siunnersuilluni ataatsimeeqateqarnerit 137-it.

Perorsaanermik suliaqartunik siunnersuilluni ataatsimeeqateqarnerit 52-it.

Angajoqqaanik siunnersuilluni ataatsimeeqateqarnerit 180-it.

Misi-Sermersooq 2018-imí siunnersuinernik 369-inik ingerlatsivoq.

Misissuinerit naammassineqartut: 62

2019:

Ilinniartitsisunik siunnersuilluni ataatsimeeqateqarnerit 91-it.

Perorsaanermik suliaqartunik siunnersuilluni ataatsimeeqateqarnerit 50-it.

Angajoqqaanik siunnersuilluni ataatsimeeqateqarnerit 170-it.

Misi-Sermersooq 2019-imí siunnersuinernik 311-nik ingerlatsivoq.

Misissuinerit naammassineqartut: 87.

Misimi misissuinerit

Siunnersuinerit ingerlaneranni Misimit misigineqarpat saaffiginnittup apeqqutigisaa akineqarsinnaanngitsoq, Misi apeqqutinik misissuiffigineqartussanik suliaqassaaq taakkua misissuinerup ingerlanerani akiniarneqassapput. Misissuinerup sumut tunnganera tunngavigalugu immikkoortinneqartarput:

- *Inummik ataatsimik misissuineq:* Misissuinerni taakkunani Misimit inuk kisiartaatillugu misissorneqartapoq, atortunik ataqtigiiusunik atugaqarani. Tassa isumaqarpoq, Misimit piginnaasat misissorneqartut tassaasut, inuup ataatsip allanut attuumassuteqarnani/allanit ataqtigiiusunit sunnersimaneqarani piginnaasaatut Misimit naatsorsuutigineqartut misissorneqarnerat.
- *Inuup attuumassuteqarneranik misissuineq:* Tassani misissorneqassapput ass. angajoqqaat aamma meeqqap akornanni attuumassuteqarneq, atuartup aamma ilinniartitsisup akornanni attuumassuteqarneq, atuartut marluk imaluunniit atuartut aalajangersimasut arlallit akornanni attuumassuteqarneq il.il..
- *Inuup aaqqissuussisinnaaneranik misissuineq:* Misissuinermi tassani aaqqissuussisarnerit anginerit arlallit pineqarput inuup inuilluunniit arlallit peqataaffigisaat, ass. atuaqtigiiit, ilaqtariit, paaqqinniffik imaluunniit atuarfik.

Misissuinermi apeqqutit akisnnaajumallugit Misi misissuinermi assigiinngitsunik periuseqarpoq, taakkua tassaasinnaapput: Nakkutiginninneq/Isiginnaarneq, suliamut sammisunik atuarneq, misilitsinnerit, saqqummiussinerit, sivikinnerusumik oqaloqatiginninnerit (ass. piffissami sivikitsumi angajoqqaanik siunnersuinernik ingerlatsinerit) il.il.

Misissuinerup kingorna Misi amerlanertigut nalunaarusiortapoq. Misissuinerup inernerri saaffiginnissuteqartumut saqqummiuttarpai, nalunaarusiamilu innersuusiat arlallit ilanngunneqartarput innersuusiat tassaasarput siunissami meeqqamik perorsaanermi qanoq suleriaaseqarsinnaanermut tunngasuteqartut.

Misissuinermik suliaqarnermi akunnerit atorneqartartut agquaqtigiiissillugit 20-40-upput.

Utaqqisut allattorsimaffiat

Ajoraluwartumik Misimit misissortinnissamut ukiuni arlalinni utaqqisoqartarsimavoq, 2018-ilu aallarnerfigalugu Misimit ilungersuussilluni anguniarneqarpoq utaqqisut allattorsimaffianiittut ikilisinneqarnissaat, tamanna aamma iluatsissimavoq.

2017-ip naanerani Misimit misissortinnissamut utaqqisut 30-upput, misissortinnissamut sivisunerpaamik utaqqisoq ukiup ataatsip missaani utaqqisimalluni.

2018-ip naanerani Misimit misissortinnissamut utaqqisut 28-upput, misissortinnissamut sivisunerpaamik utaqqisoq qaammatit arfineq-marluk missaanni utaqqisimalluni.

2019-ip naanerani Misimit misissortinnissamut utaqqisut 20-upput, misissortinnissamut sivisunerpaamik utaqqisoq qaammatit sisamat missaanni utaqqisimalluni.

Siunissaq eqqarsaatigalugu Misimit ilungersuutigineqarpoq misissortinnissamut utaqqisarnerit suli sivikinnerulersinnissaat, kisianni Misimit unammillernartinneqarpoq suliamik ingerlatsisunit saaffiginnissuterpassuit taamatullu Kommuneqarfik Sermersumi angajoqqaat Misip immikkut ilisimasalittut piginnaasai tunngavigalugu paasiniakkaminnik tusarumanerat.

Misimit suliamut atasumik angalasarnerit

Misimit tamatigut misigineqartarpoq suliamut atasumik angalanerni atuarfinit paaqqinniffinniillu ilassilluarneqartarneq. Pingaartumik suliamik ingerlatsisut annertuumik ersersittarpaat Misip suliamik ingerlatsinerinik siunnersuisarnerinillu pisariaqartitsinertik.

Misi suliamut atasumik angalatilluni tikifimmini suliamik ingerlatsisunut aamma angajoqqaanut siunnersuinernik ammasunik ingerlatsisarpoq. Misimit perorsaanermut aamma tarnip pissusiinut misissuinernik ingerlatsisarpoq, taamatullu suliamik ingerlatsisunut aamma/imaluunniit angajoqqaanut saqqummiussinernik neqerooruteqartarluni. (Sammisat najukkamit najukkamut nikerarsinnaapput tikeraarnissaq sioqqullugu isumaqtigiissutaasimasut apeqqutaallutik).

Piffissami septemberip 21-annit 28-annut Siunnersuisut pisortaat, tarnip pissusiinik ilisimasalik ataaseq aamma meeqqanut inusuttunullu siunnersortit marluk Paamiuni tikeraarput.

Piffissami oktoberip 12-ianit 30-annut Siunnersuisut pisortaat, tarnip pissusiinik ilisimasallik marluk, meeqqanut inussuttunullu siunnersortip ataatsip aammalu oqalunnermut tusaanermullu perorsaasup ataatsip Tasiilaq tikeraarpaat. Nunaqarfiit Tiileqilaaq aamma Isertoq Tasiilap illoqarfianut tikeraartoqarneranut atasumik suliamik ingerlatsisunit pingasunit tikinneqarput.

Immikkut ittumik atuartitsinermik (SP) naliliineq

Ukiumoortumik "SP-mik ingerlatsineq":

Ukiut tamaasa ukiup tullianut immikkut ittumik atuartitsinermut innersuussat Misimit nalilerneqartarput. Piffissami novemberip 15-iannit decemberip aallaqqaataanut Kommuneqarfik Sermersumi atuarfiit tamarmik, ukiumi atuarfiusussami tullermi atuartunik immikkut atuartitsinermik iluaquteqarsinnaasunik innersuussisarput.

SP-mut innersuussinerit atuarfimmit suliarineqarsimasut aamma paassisutissat naliliinermi atorneqarsinnaasut naapertuuttut allat tunuliaqutaralugit naliliisoqartarpoq. Naliliinermi tamatigut suliamik ingerlatsisutut aamma perorsaasutut naliliinerit ilanngunneqartarput, tassani allanneqartarpoq atuartup ilikkarsinnaassusia qanoq siuarsarneqarsinnaanersoq.

Misimi sulisut tamarmik SP-mut innersuussinernik naliliisarput piffissami decemberip aallaqqaataanit januaariip 31-ata tungaanut. Ukiumoortumik SP-mik ingerlatsineq Misimi meeqqanut- inuusunullu siunnersortinut ataqtigiissaarinermik suliaavoq angisooq. Piffissaq naliliiffiusoq sioqqullugu ukiut tamaasa piareersarluni suliat angisuut ingerlanneqqaartariaqartarput, taamatuttaaq naliliinerup kingorna suliarujussuit ingerlanneqartarlutik. Naliliinerit aamma innersuussinerit Misimit suliarineqareerpata

Atuarfeqarnermut immikkoortortamut tunniunneqartarput, taakkua ukiup atuarfiusup tullissaani immikkut atuartitsinermik klassini akunnernik atorneqartussanik akuersinermik oqartussaaffeqarput. Innersuussinermi kingullermi Misi innersuussutnik 188-inik naliliivoq.

SP-mik atuartinneqarallarneq:

SP-mik innersuussisarnerup nalinginnaasup avataani (decemberip aappaaniit – novemberip 14-iata akornanni) atuarfiit immikkut atuartinneqarallarnermik innersuussisinnaapput. Taakkua assersuutigalugu tassaasinnaapput:

- Kommunimut atuartumik nuuttoqarpat siumoortumik innersuunneqarsimanngitsut
- SP-mik atuartinneqarsinnaanermik akuersissuteqariinngitsumik, atuarfilli naliliippat taamannak atuartinneqarneq naapertuunnerussasoq atuartup ilinniagassanut imaluunniit inooqataanikkut inisisimanera **pissutigalugu**.
- Misimit misissorneqarsimasut aamma taakkua pillugit Misip nalunaarusiaani immikkut atuartinneqarnerup atuartumut iluaqutaanissaanik allassimasortaqtut.
- Atuartut atuaqatigiinni nalinginnaasuni ingerlanerlunnerat pissutigalugu, meeqqamut ajunnginnerpaasussaq tunnavigalugu atuarfiup aqutsisuanit pinartumik SP-klassimut nuunneqarnissaat naliliiffigineqarlutik aalajangiiffigineqarsimasut.

SP-mi atuartinneqarallarnissamut innersuussinerni Misimit atuartup pisariaqartitai naliliiffigineqartarput, soorlu ukiumoortumik SP-mut naliliinermi periutsit atorneqartut naapertorlugit. Ukiut tamaasa SP-mi atuartinneqarallartussatut innersuussutit 20-40-t Misimit tiguneqartarput.

2019-imi suliat allat

Pinaveersaartitsilluni perorsaanikkut suliniuteqarnermik ukkassineq

2018-imi Misimit kissaatigineqarpoq annermik pinaveersaartitsinermik suliaqarnissaq, suliarlu taanna 2019-imi nanginneqarpoq. Misi taamaaliorpoq sakkussanik tunioraanikkut, ass. perorsaanermik suleqataasunut imaluunniit atuarfinni ilinniartitsisunut saqqummiussisarnikkut. Misi makkuninnga saqqummiussaqarpoq:

- 2018-imi Misimit saqqummiussaq "Meeqqat uummaarissut" sularineqarpoq. Oqariartaaseq "Meeqqat uummaarissut" ass. meeqqanut ADHD-mik innarluuteqartunut imaluunniit taamatut innarluuteqarsinnaasunut tulluarpoq. Meeqqat sumiginnagaasimasut aamma taamaattumik namminneerlutik imminnut eqqissisikkuminaassinnaasut. Imaluunniit meeqqat tarnikkut piginnaanikissinnaasut (meeqqat innarluuteqanngitsut) taamaattumik nukissaqartorujussuit. Sumilluunniit pissuteqarluni nukissaqartorujussuarnik sullisisut nalinginnaasumik perorsaariaatsimik ataatsimik atuisinnaapput. Siullertut Nuummi ullukkut paaqqinnittarfinni aqutsisut saqqummiussiffigineqarput, taava aqutsisut oqarfigineqarput namminneq paaqqinnittarfimminni saqqummiussisoqarnissaanik kissaateqarunik Misimut saaffiginneqqullugit.

2018-imi Misi ullukkut paaqqinnittarfinni 12-ini saqqummiussipput. 2019-imi kingumut Misimit saqqummiussaq taanna neqeroorutigineqaqqipoq, Misilu tallimariarluni saqqummiussivoq.

- 2019-imi Misimit saqqummiussaq "Meeqqap pitsasumik ineriarornera" suliarineqarpoq. Saqqummiussaq taanna Nuummi illoqarfimmi ullaunerani paaqqinniffit aqtsisuinut aggustip qeqqani saqqummiunneqarpoq. Tassunga atasumik aqtsisunut nalunaarutigineqarpoq namminneq paaqqinnittarfimminku sulisunut imaluunniit meeqqat angajoqqaavinut saqqummiussisoqarnissaanik kissaateqarunik Misimut inniminniisinnaasut. Sulisunut saqqummiussineq akunnernik pingasunik sivisussuseqarpoq, tassani sulisunut erseqqisaatigineqarpoq atuuffiisa qanoq pingaaruteqartignerat, meeqqamut attaveqalerniarermik sulinermi perorsaanermi sakkussat atorneqarsinnaasut suunersut, taamatullu atassuteqarnerup aamma eqqarsartaatsimiilersitsinermik oqaasinngortinneqarnerisa pingaaruteqassusiinik. Angajoqqaanut saqqummiussineq akunnernik sivisussuseqarpoq, tassani angajoqqaat perorsaanerat, killiliisinnaaneq, attaveqarneq aamma meeraq pillugu eqqarsartaatsimiilersitsinerit pingaaruteqassusiat pingartinneqarput.

2019-imi Misi angajoqqaanut unnukkut saqqummiussinernik 7-nik, sulisut ataatsimiinnerinik 8-nik kiisalu aqtsisoqatigiit ataatsimiinnerinik marlunnik ingerlatsivoq.

- 2019-imi Misi illoqarfinni atuarfiit ASK, USK, AHL aamma KA ilinniartitsisuinut saqqummiussipput tassani eqqartorneqarpoq: "Misi sunaava aamma Ilissi Misi qanoq atorsinnaavisiuk". Paamiuni aamma Tasiilami atuarfinni saqqummiussaq assingusoq Misip sulinermut atasumik angasarneranni saqqummiunneqartarpoq.
- Heldagsskolemut saqqummiussaq "Nukissat naasuat" tassaavoq Ilisarinnissinnaanermut, Nukissanik Ukkassineq aamma Akuersaartumik Perorsaanermi Periuseq, taanna ilinniartitsisut sulinerminku ingerlaannaq atulerpaat.

KNR – Nunatta nipaa

Misi-Sermersooq decemberi 2018-imi KNR-imit saaffigineqarpoq, innarluutinik suussusersiinermik radiokkut aallakaatitassianut Misi peqataarusunnersoq paasiniarneqarluni. Kingorna KNR-imit aperisoqarpoq siunissami Misi perorsaaneq pillugu sap.ak. 2-3 allortarlugit aallakaatitassiani peqataarusunnersoq. Misimit taakkua akuerineqarput, taamaattumik 2019-imi Misi radiokkut aallakaatitassiat qulingiluat peqataaffigai, ilaatigut oqaluuserineqarput: Inuit oqaluttuassartaat, perorsaanermi periutsit, pimmatiginnittarneq, meeqqat uisakajaarnermik PTSD-mik eqqugaasimasut, "misigissutsinut inissaqartitsineq", aaqqiagiinngissutinik passussineq, isumaqatigiinnginnerit sakkortusiartortarnerat, naqinnernik ilisarinnissinnaanngineq,

inuuusuttuarangortunik perorsaanermi pillaasarneq akissarsisisitsarnerlu kiisalu avinneq avinnerullu meeqqanut sunniutai.

Naluttarfimmut saqqummiussineq

Ullut marluk ingerlaneranni septemberimi aamma oktoberimi Misi naluttarfik Malik-miippoq, perorsaaneq nalinginnaasoq pillugu sulisunut saqqummiussilluni. Naluttarfik Malik-mit saqqummiussisoqarnissa kissaatigineqarpoq ullut tamaasa meeqqanik isertoqartarneq tunngavigalugu. Naluttarfimmi saqqummiussinermi pineqarpoq "perorsaaneq nalinginnaasoq aamma aaqqiagiinngissutinik passussineq", sammisat sulisunut meeqqanik sulillissinermi atugassanik ingerlaannartumik sakkussaqalersitsipput, taakkua tassaallutik akuersaarneq, nersualaarineq, allamut saatitsineq, aaqqissuussineq aamma erseqqissuuneq.

Misimi allaffisorneq

Inatsisit naapertorlugit Misimut allakkat isertut paasissutissanik mianerisassanik inunnut tunngasunik imallit tamarmik journalinut nalunaarsorneqartussaapput. E-mailit siunnersuinerit misissuinerillu pillugit allaqatigiinnerni isertut anisullu tamaasa Misimit journalimut nalunaarsorneqartussaanerisa saniatigut, Misimit e-mailit oqartussaaffeqarfinnit allanit isaasut akineqarlutillu allaffisornermik ingerlatsiffigineqartussaapput. Taakkua assersuutigalugu tassaasinnaapput Kalaallit Nunaanni Misinit allanit, Danmarkimi PPR-imik allaffinnit, Peqqinnissaqarfimmit, Meeqqanut llaqutariinnullu Ingerlatsivimmit sullisisunit, Atuarfeqarnermut immikkoortortamit kiisalu Ulluunerani neqeroorutinut immikkoortortaqarfimmit il.il. 2019-imi Misimit uppermarsaatit 5100 missaat journalimut nalunaarsorneqarput.

Meeqqanut llaqutariinnullu Ingerlatsivimmut nalunaarutiginninnerit

Misip immikkut sakkortusisamik nalunaarutiginninnerut pisussaaffeqarnera tunngavigalugu 2019-imi Misi Meeqqanut llaqutariinnullu Ingerlatsivimmut nalunaarutiginninnernik qulingiluanik nassiusivoq.

Attaveqaqtigii ataatsimiinneri aamma katsorsaasut ataatsimiinneri

2019-imi misi attaveqaqtigii ataatsimiinnerinut imaluunniit katsorsaasut **ataatsimiinnerinut** amerlasuunut aggersarneqarpoq soorlu ilinniartitsisunit, paaqqinniffinnit, kommunimi sullisisunit kiisalu tarnikkut napparsimasut nakorsiartarfiannit. **Misimit** **ataatsimiinnernut** tamanut ornigunissaq periarfissaqartinnejingimmat, Misi ataatsimiinnerni Misimut isumalinni kisimi peqataasarpooq. Taakkua tassaasinnaapput ukiup kingulliup iluani meeraq pineqartoq Misimit misissorneqarsimappat imaluunniit Misi isumaqarpat meeqqap ineriarorneranut il.il. iluaqutaasussamik tunniussaqarsinnaalluni.

Nuummi illoqarfimmi ilinniartitsisut siunnersortit workshoppertinneqarnerat

Aggustimi Nuummi ilinniartitsisut siunnersortit Misimit ullup qeqqata siorna qaaqquneqarput, tassani ilinniartitsisut immikkut atuartitsinermut innersuussinermi periutsimik,

atuaqatigeeqqaakkanut nuukkiartuaartinneqarneq, atuartunik nikisiterineq taamatullu Misimut saaffiginninnermi periutsinik saqqummiussiffigineqarput.

Ukiunut aggersunut pilersaarutit

Misi-Sermersooq ukiumi aggersumi suliamik ingerlatsisunut aamma angajoqqaanut saaffiginnissuteqartunut perorsaanermut aamma tarnip pissusiinut siunnersuinermik neqerooruteqaqqissaq. Taakkua saniatigut Misimit misissortinnissamut utaqqisut allattorsimaffianniittut ikilisinneqarnissaat siunnerfiulluni suliniutigineqassaaq. Misip siunissamut pilersaarutigaa utaqqisut allattorsimaffianni utaqqinerup qaammatinik 1-2 sivikillernissaa, kisianni sulisunik amigaateqarneq pissutigalugu ilisimaneqanngilaq anguniakkamik tassanga qaqugu naammassinnissinnaaneq. Misimit siusissukkut iliuuseqarneq/pinaveersaartitsilluni suliniuteqarneq nanginneqassapput, assersuutigalugu saqqummiussisarnerni suliamik ingerlatsisut meeqqat inuuusuttullu pillugit ilisimasaat qaffassarneqarlutik, kiisalu ingerlanneqariaannarnik siunnersuinertut neqeroorutit aamma PPR-imik isumaqatigiisummi suliassanik allassimasunik amerlanernik ukkassineq. Misimit suli ukiumoortumik SP-mut innersuussinermi periutsimik ineriartortitsineq pitsangorsaanerlu, skemat il.il. pingaartinneqassapput, taamaaliornikkut sulinermi periutsit pitsaaneruleqqullugit Misimut, atuarfinnut aamma Atuarfeqarnermut immikkoortortamut.

Naggataatigut

Perorsaanermut aamma tarnip pissusiinut siunnersuinermik allaffiit Kalaallit Nunaanni aamma Danmarkimi kommunini ataasiakkaani assigiinngitsorujussuupput, kommunini meeqqanut inuuusuttunullu suliassat ingerlatsisivinni nalinginnaasumik qanoq aaqqissuunneqarsimanaerat apeqqutaallutik. Misi-Sermersuup suliassaasa pingaarnersaat, *pinngitsoorani suliassat*, Inatsisartut inatsisaat tunngavigalugit suliarineqartussat tassaapput: Siunnersuineq, immikkut atuartinneqartussanik naliliineq taamatullu meeqqanik paaqqinnitarfinni meeqqallu atuarfiini meeqqat perorsaanikkut aamma tarnikkut pissusiinik misissuinerit. Kalaallit Nunaanni kommunini ataasiakkaani communalbestyrelsit tassaapput perorsaanikkut aamma tarnip pissusiinut siunnersuinermut aamma SP-mut naliliinernut akisussaasut.

PPR-imik isumaqatigiisummi januaarip aallaqqaataa 2012 aallarnerfigalugu atuuttumi, PPR-imik suliassap Namminersorlutik Oqartussanit kommuninut ataasiakkaanut nuunneqarneranut tunngasumi atugassarititaasut arlallit allassimapput aamma suliassatut naatsorsuutigineqartut. Misi-Sermersuup piffissami matumani suliari PPR-imik isumaqatigiisummi suliassatut allassimasut amerlasuut. Kisianni sulisussanik amigaateqarneq pissutigalugu aamma Misimi suliassat amerlanerujussuat tunngavigalugu, inatsisit naapertorlugit *pinngitsoorani suliassat* Misimit pingaernerutillugit suliarineqartariaqarput.

Misimi atorfinni nunaqavissunik piginnaaneqarluartunik sulisoqalernissaq ukiorpassuarni unammillernartuarsimavoq. Taamaattumik ukiuni amerlaqisuni meeqqanut inuuusuttunullu siunnersortinik taamatullu tarnip pissusiinik ilisimasalittut atorfinni tikisitanik sulisoqartarsimavoq.

Misi-Sermersuumit sulisinnaasut tikisitat nuannaarutigineqarsimapput. Kisianni tamatuma nassataanik atorfillit taarseraassimanagerat annertuumik unammillernartuuvoq, sulisinnaasut tikisitat ukiualuit qaangiukkaangata Danmarkimut uternissamik toqqaagaangata.

Tamatuma nassataanik ilisimasanik annertuunik annasaqarneq aqquaagaajuarpoq, taamatullu nukissamik atuineq soorluttaaq sulisinnaasunut nutaanut ilinniartitsinernullu aningaasarpassuit atorneqartarput. 2019-imi Misimi sulisut tamarmik nunaqavissuupput imaluunniit Kalaallit Nunaannut qangali attuumassuteqartuullutik. Taamaattumik Misimi tikisitanik sulisoqanngilaq. Misimi sulisunit aqqaniliusunit arfineq marluk marluinnik oqaasiliupput (kalaallisut-qallunaatut), sulisut sisamat tamakkiisumik kalaallit oqaasiinik atuisinnaanngillat.

Qularutigineqassanngilaq Misi-Sermersumi sulisut tassaammata suleqatigiit nukissaqarluartut, aningaasatigut sulisoqarnikkullu nukissaqarnerullutik misissuinernik ingerlatsinissamut utaqjisut allattorsimaffiini allassimasunik ikilisitsisinnaasut. Taakkua saniatigut Misi-Sermersooq PPR-imik isumaqatigiissummi allassimasut naapertorlugit suliassanik amerlanernik ingerlatsisinjaassaaq. Taamaattoq sulisunik amerlanernik atorfinititsineq aningaasassanik piumasaqaatitaqarpoq, Kommuneqarfik Sermersumi suliamut tunngasunik angalanerit aningaasanik amerlanernik pisariaqartitsipput, taamatullu aningaasat Misimi sulisut ilisimasanik nutaanik ilisimatusaatinullu nutartertuartunut piginnaanngorsarnissaannut pisariaqartinneqarput. Aningaasat amerlanerit maannamut sulisut pikkorissarnissaannut ineriartornissaannullu pisariaqartinneqarput, taamaaliornikkut nunaqavissut sulisorineqartut sulisoriinnarnissaannut siunnerfittut atuuttussatut iluatinnaateqarpoq aamma.

Misi, Meeqqanut Inuuusunullu Siunnersuisarfik Danmarkimi PPR-it allaffiinut sanilliulluni imaattumik unammilligassaqarpoq, suliassaqarfiiit amerlasuut pillugit Siunnersuinermik ingerlatsivimmi sulisut ataasiakkaat angisumik, siamasissumik ilisimasaqarnissaat pisariaqartinneqarmat. Danmarkimi innersuussivissatut periarfissat amerlanerupput. Assersuutigalugu ersiortut, autistit, imminut ajoqusernermik pissusilersuutillit, avinnermik aqquaagaqartut, tarnikkut erloqisut, imminut toqunnissamik eqqarsaatersortut, aliasuutillit, sumiginnagaasut il.il assigiinngitsunut saaffissaqarput, Danmarkimi PPR-imik allaffiit innersuussisartuullutik. Kalaallit Nunaanni kommunit assingusunik periarfissaqanngillat aamma taamaattumik Misi-Sermersooq akuttunngitsumik innersuunneqartarpoq siunnersuinermik perorsaanelmut aamma tarnip pissusiinut siunnersuinermiit allaasumik tunniusseqquillugu, Misi-Sermersumi suliassamik pingaarnermik tunulliussinissaq pisariaqalersarluni.

Paassisutut allat ataaani atsiortumit pissarsiariniarneqarsinnaapput

Valla Skydsbjerg Skytte

Misimi Siunnersuinermut pisortaq